



PETRONAS

PANDUAN AM

PERMOHONAN LESEN DAN PENDAFTARAN

PETRONAS



Seksyen Pelesenan dan Pendaftaran
Pelesenan & Pembangunan Keupayaan Tempatan
Kumpulan Perolehan
Aras 9, Menara 1, Menara Berkembar PETRONAS
Kuala Lumpur City Centre, 50088 Kuala Lumpur.
Tel.: 603-23313330
E-mail: Irs_enquiries@petronas.com

Laman Web: <https://www.petronas.com> ► Join Us | Be Our Partner | **Our Licensing & Registration**
(<https://www.petronas.com/join-us/be-our-partner/our-licensing-registration>)

NOTIS PENTING UNTUK PEMOHON

Panduan Am ini diberi percuma.

Pemohon dinasihatkan supaya meneliti dan memahami kandungan Panduan Am ini. Pemahaman yang jelas adalah penting bagi memastikan permohonan yang dikemukakan adalah lengkap dan akan diberi pertimbangan yang sewajarnya. Syarat-syarat dan prosedur permohonan mungkin akan dikemaskini dari semasa ke semasa.

Pemohon juga dinasihatkan supaya menghubungi Seksyen Pelesenan dan Pendaftaran secara terus bagi sebarang pertanyaan umum, termasuklah perkara berkaitan permohonan melalui butiran dibawah:

Kaunter Pelesenan dan Pendaftaran:

**Aras 9, Menara 1, Menara Berkembar PETRONAS
Kuala Lumpur City Centre, 50088 Kuala Lumpur**

Tel: 603-23313330

E-mail: lrs_enquiries@petronas.com

Semua permohonan yang berkaitan dengan Lesen & Pendaftaran PETRONAS adalah berdasarkan **konsep layan diri secara dalam talian (online)**. Pemohon hendaklah memastikan semua maklumat yang dikemukakan adalah tepat and benar.

PETRONAS tidak melantik atau mengesahkan mana-mana pihak ketiga bagi tujuan di atas. PETRONAS tidak akan bertanggungjawab terhadap sebarang kesulitan yang mungkin dihadapi oleh pemohon sekiranya pemohon membuat urusan melalui pihak ketiga bagi mengemukakan permohonan Lesen atau Pendaftaran PETRONAS.

PANDUAN AM PERMOHONAN LESEN DAN PENDAFTARAN PETRONAS	
KANDUNGAN	MUKASURAT
1. PENGENALAN 1.1 Lesen 1.2 Pendaftaran 1.3 Keperluan Lesen / Pendaftaran yang sah	1
2. SYARAT – SYARAT AM LESEN / PENDAFTARAN PETRONAS	1
3. STANDARD BIDANG KERJA & KELENGKAPAN (SWEC)	2
4. PERMOHONAN MELIBATKAN SYARIKAT ASING	3
5. TATACARA PERMOHONAN LESEN / PENDAFTARAN	3
6. JENIS- JENIS PERMOHONAN 6.1 Lesen / Pendaftaran Baru 6.2 Pembaharuan Lesen / Pendaftaran 6.3 Penambahan Bidang (SWEC) 6.4 Penukaran Prinsipal 6.5 Penukaran Modus Operasi 6.6 Menaiktaraf Pendaftaran Kepada Lesen 6.7 Mengemaskini Profail Syarikat 6.8 Mengemaskini Maklumat Syarikat 6.9 Pengguguran Bidang (SWEC) 6.10 Pembatalan Lesen / Pendaftaran	5
7. PROSES PERMOHONAN	6
8. KEPUTUSAN PERMOHONAN	7
9. PELUANG PENYERTAAN DALAM TENDER	8
10. PERINGATAN	8

1 PENGENALAN

1.1 Lesen

- 1.1.1 Pengeluaran Lesen PETRONAS adalah berdasarkan Akta Pembangunan Petroleum 1974 dan Peraturan-Peraturan Petroleum 1974. Mengikut Akta ini, entiti yang ingin menjalankan kerja-kerja di sektor hulu ('upstream') industri minyak dan gas di Malaysia hendaklah mempunyai lesen yang sah. Sektor hulu adalah termasuk tetapi tidak terhad kepada eksplorasi, pembangunan dan pengeluaran minyak dan gas.
- 1.1.2 Pengeluaran Lesen adalah tertakluk kepada yuran lesen seperti yang terkandung di dalam Peraturan-Peraturan Petroleum 1974. Sila rujuk perkara 8.2 untuk maklumat lanjut.

1.2 Pendaftaran

- 1.2.1 Dasar PETRONAS mengkehendaki entiti untuk berdaftar dengan PETRONAS sebelum mengambil bahagian di dalam tender untuk kerja-kerja di sektor hiliran ('downstream') Kumpulan Syarikat-Syarikat PETRONAS.
- 1.2.2 Tiada yuran pendaftaran dikenakan.

1.3 Keperluan Lesen / Pendaftaran yang sah

- 1.3.1 **Lesen** yang sah membolehkan entiti untuk membekal barangan / perkhidmatan **kepada kedua-dua sektor berikut:**
 - Sektor hulu ('upstream') industri minyak dan gas di Malaysia
DAN
 - Sektor hiliran ('downstream') Kumpulan Syarikat-syarikat PETRONAS
- 1.3.2 **Pendaftaran** yang sah membolehkan entiti membekal barangan / perkhidmatan **hanya kepada sektor berikut:**
 - Sektor hiliran ('downstream') Kumpulan Syarikat-syarikat PETRONAS

2 SYARAT-SYARAT AM LESEN / PENDAFTARAN PETRONAS

Syarikat hendaklah mematuhi semua syarat-syarat Am di bawah:

2.1 Diperbadankan di dalam negara:-

- 2.1.1 Berdaftar dengan Suruhanjaya Syarikat Malaysia (SSM) sebagai syarikat "**Sdn Bhd**" atau "**Berhad**".

Modal berbayar dalam bentuk saham biasa hendaklah tidak kurang daripada RM100,000 (untuk Lesen) atau RM10,000 (untuk Pendaftaran).

ATAU

- 2.1.2 Berdaftar dengan badan-badan profesional yang berkaitan iaitu **Lembaga Juruukur Tanah** untuk 'Juruukur Tanah', **Lembaga Penilai, Pentaksir dan Ejen Hartanah Malaysia** untuk 'Penilai', **Lembaga Arkitek Malaysia** untuk 'Firma Senibina' atau badan-badan profesional berkaitan yang lain.

Modal atau Jumlah Keseluruhan Nilai Sumbangan hendaklah tidak kurang daripada RM100,000 (untuk Lesen) atau RM10,000 (untuk Pendaftaran).

2.2 Dana pemegang saham adalah positif.

3 STANDARD BIDANG KERJA & KELENGKAPAN (SWEC)

3.1 Senarai SWEC dan 'Minimum Technical Requirements' (MTR) boleh diakses melalui pautan dibawah:

<https://www.petronas.com/join-us/be-our-partner/our-licensing-registration>



3.2 SWEC terbahagi kepada 2 kategori:-

3.2.1 SWEC untuk Produk – PXXXXXXXX (Kod bermula dengan 'P')

3.2.2 SWEC untuk Servis – SXXXXXXXX (Kod bermula dengan 'S')

3.3 Syarikat dikehendaki memenuhi syarat-syarat SWEC yang dipohon seperti di bawah:-

3.3.1 Memenuhi keperluan **minima Bumiputera di 4 peringkat**, bagi SWEC yang dipohon:

- Ekuiti
- Lembaga Pengarah
- Pengurusan
- Kakitangan

Keperluan minima Bumiputera bagi SWEC terdiri daripada **100%, 51% dan 30%**. Terdapat juga SWEC yang tidak memerlukan penglibatan Bumiputera.

Nota:

- Fleksibiliti diberikan kepada **syarikat 'Berhad' (syarikat tersenarai di Bursa Malaysia)** atau **syarikat 'Sdn Bhd' yang dimiliki sekurang-kurangnya 51% oleh syarikat 'Berhad'** untuk memegang minima 35% ekuiti Bumiputera bagi SWEC yang mempunyai syarat minima 51% ekuiti Bumiputera. Walaubagaimanapun, peratusan penglibatan Bumiputera di peringkat Lembaga Pengarah, Pengurusan dan Pekerja masih mengikut syarat yang ditetapkan bagi SWEC berkenaan.
 - Sekiranya pemohon adalah syarikat 'Berhad' dan juga dimiliki sekurang-kurangnya 51% oleh syarikat 'Berhad', keseluruhan ekuiti Bumiputera bagi pemohon adalah minima 17.85% untuk layak memohon SWEC yang mempunyai syarat minima 30% dan 51% penglibatan Bumiputera.
- Bagi SWEC yang memerlukan 100% penglibatan Bumiputera, **penglibatan 100% hanya untuk di peringkat Ekuiti sahaja**, manakala di peringkat lain adalah seperti berikut:

Ekuiti: 100% Bumiputera	Lembaga Pengarah: 75% penyertaan minima Bumiputera	Pengurusan: 75% penyertaan minima Bumiputera	Kakitangan: 51% penyertaan minima Bumiputera
-----------------------------------	---	---	---

3.3.2 **Memenuhi syarat-syarat SWEC yang lain** termasuk MTR dan berdaftar dengan badan-badan berkanun, profesional atau jabatan-jabatan kerajaan yang berkaitan dengan SWEC yang dipohon

Pemohon dinasihatkan untuk sentiasa merujuk kepada senarai SWEC dan MTR yang terkini di laman web rasmi PETRONAS seperti perkara 3.1 di atas, kerana ia mungkin akan berubah bergantung kepada semakan dari semasa ke semasa.

- 3.4 Setiap SWEC mempunyai penanda bagi Kategori Permohonan, Modus Operasi dan Penyertaan Minima Bumiputer (%) seperti di bawah:

Work Category	SWECs Code (9 Digits)	DESCRIPTION	Strategic/General	L/R	OTHER REGISTRATION REQUIREMENTS / REMARKS	MINIMUM MODE OF OPERATION	Minimum BM% Required
PA1 AUTOMOTIVE							
01 Auto Accessories	PA1010000		General	L/R		Dealer	51
02 Tyre & Parts	PA1020000		General	L/R		Dealer	51
03 Spare Parts	PA1030000		General	L/R		Dealer	51
04 Air-Conditioner	PA1040000		General	L/R		Dealer	51
05 Prime Mover	PA1050000	To supply and deliver prime mover	General	L/R		Dealer	51
06 Trailer	PA1060000		General	L/R		Dealer	51
07 Overhead Crane	PA1070000		General	L/R		Dealer	51
08 Motor Vehicle	PA1080000	To supply and deliver motor vehicle (e.g. passenger car, motorcycle, pickup truck, etc.)	General	L/R		Dealer	51
09 Test Equipment and Instrumentation	PA1090000		General	L/R	Exclusive appointment letter Relevant Technical Staff	Dealer	51

Kategori Permohonan :-
L: Lesen
R: Pendaftaran

Penanda Kategori Permohonan

Penanda Modus Operandi

Penanda Penyertaan Minima Bumi.

Modus Operasi Produk :-

- Pengedar
- Ejen
- Pempakej
- Pengadun Bahan Kimia
- Pemasang
- Pengintegrasian Sistem
- Pemfabrikasi
- Pengilang

Modus Operasi Servis :-

- Ejen
- Pengoperasi Penggerudi
- Pemilik Pengoperasi Penggerudi
- Pengoperasi Kapal
- Pemilik Pengoperasi Kapal
- Operasi-Sendiri

Minima Bumi %:-

- 100%
- 51%
- 30%
- 0%

4 PERMOHONAN MELIBATKAN SYARIKAT ASING

4.1 Syarikat asing juga boleh menyertai tender dalam industri minyak dan gas di Malaysia dengan:

- 4.1.1 **Melantik syarikat tempatan sebagai Ejen** yang mewakili pembekalan dan perkhidmatan untuk pasaran tempatan. Ejen yang dilantik hendaklah membuat permohonan Lesen / Pendaftaran PETRONAS dengan memenuhi syarat-syarat yang ditetapkan di dalam Panduan Am ini. Sila rujuk perkara 2 dan 3 di atas.

ATAU

- 4.1.2 **Menubuhkan syarikat usahasama ('Joint Venture Company')** dengan syarikat/individu tempatan. Syarikat usahasama hendaklah membuat permohonan Lesen / Pendaftaran PETRONAS dengan memenuhi syarat-syarat yang ditetapkan di dalam Panduan Am ini. Sila rujuk perkara 2 dan 3 di atas.

5 TATACARA PERMOHONAN LESEN / PENDAFTARAN

5.1 Semua jenis permohonan bagi Lesen / Pendaftaran PETRONAS adalah **berkonsep layan diri secara DALAM TALIAN (ONLINE) melalui laman web PETRONAS** berdasarkan kategori dibawah:

- a) Registration of Supplier (ROS): Bagi permohonan Lesen / Pendaftaran Baru

Open

 [Pergi ke Isi Kandungan](#)

ATAU

b) Supplier Self Service (SUS): Semua permohonan, selain permohonan Lesen / Pendaftaran Baru
Registration of Supplier (ROS):

Join Us | Be Our Partner

OUR LICENSING & REGISTRATION

This section provides information on licensing and registration for Malaysian-based contractors and suppliers who are interested in doing business with PETRONAS. The application procedures, guidelines and requirements are subject to change from time to time.

REGISTRATION OF SUPPLIERS (ROS)

Registration Of Suppliers (ROS) System (for new license/registration application)

[New User ID Registration](#) ▶

Downloads:

- [ROS Enhancement Engagement Pack November 2015](#)
- [User Guide](#)

- Application Information
- [Registration of Suppliers \(ROS\)](#)
- Service Counter Information
- Suppliers Self Service (SUS)
- Frequently Asked Questions (FAQs)
- Standardised Work and Equipment Categories (SWEC)

Supplier Self Service (SUS):

Join Us | Be Our Partner

OUR LICENSING & REGISTRATION

This section provides information on licensing and registration for Malaysian-based contractors and suppliers who are interested in doing business with PETRONAS. The application procedures, guidelines and requirements are subject to change from time to time.

SUPPLIERS SELF SERVICE (SUS)

Suppliers Self Service (SUS) System (other than new license / registration application)

- Renewal of License/Registration
- Extension of Scope
- Change of Principal
- Change in Mode of Operation
- Upgrade Registration to License
- Update Company's Profile
- Update Company's Information
- Cancellation of Scope
- Cancellation of License/Registration
- Extend Special Condition Date

[Login](#) ▶

- Application Information
- Registration of Suppliers (ROS)
- Service Counter Information
- [Suppliers Self Service \(SUS\)](#)
- Frequently Asked Questions (FAQs)
- Standardised Work and Equipment Categories (SWEC)

5.2 Syarikat hanya boleh mengemukakan 1 permohonan sahaja dalam sesuatu masa.

5.3 Sijil Lesen PETRONAS akan dikeluarkan kepada Syarikat yang mendapat kelulusan bagi sekurang-kurangnya 1 SWEC di bawah kategori Lesen.

5.4 Jumlah SWEC yang boleh dipohon tidak dihadkan buat masa ini (bagi permohonan baru, pembaharuan dan tambah bidang). Namun begitu, jumlah SWEC yang boleh dipohon mungkin akan dihadkan di dalam syarat pelesenan yang baru pada tahun 2019/2020.

6 JENIS-JENIS PERMOHONAN

6.1 Lesen / Pendaftaran Baru

- 6.1.1 Permohonan ini adalah bagi Syarikat yang belum pernah berlesen / berdaftar dengan PETRONAS.

6.2 Pembaharuan Lesen / Pendaftaran

- 6.2.1 Permohonan ini adalah bagi Syarikat yang ingin memperbaharui Lesen / Pendaftaran yang hampir tamat atau telah tamat tarikh sah laku.
- 6.2.2 Syarikat hendaklah mengemukakan permohonan ini dalam tempoh **tiga (3) bulan sebelum** tarikh tamat Lesen / Pendaftaran. Kelewatan memperbaharui Lesen / Pendaftaran akan menjejaskan peluang Syarikat menyertai tender.
- 6.2.3 Syarikat dibenarkan menambah bidang baru atau menggugurkan bidang yang sedia ada semasa permohonan pembaharuan Lesen / Pendaftaran.

6.3 Menaiktaraf Pendaftaran Kepada Lesen

- 6.3.1 Permohonan ini adalah bagi Syarikat yang ingin menaiktaraf kelayakan untuk menyertai aktiviti di dalam kedua-dua sektor hulu ('upstream') dan hiliran ('downstream').

6.4 Penambahan Bidang (SWEC)

- 6.4.1 Permohonan ini adalah bagi Syarikat yang ingin menambah SWEC kepada bidang yang sedia ada.

6.5 Penukaran Prinsipal

- 6.5.1 Permohonan ini adalah bagi Syarikat yang ingin menukar prinsipal yang sedia ada kepada prinsipal yang lain.

6.6 Penukaran Modus Operasi

- 6.6.1 Permohonan ini adalah bagi Syarikat yang ingin menukar Modus Operasi bagi SWEC yang sedia ada, contohnya penukaran dari 'Ejen' kepada 'Pengilang' (bagi SWEC Produk) atau 'Operasi- Sendiri' (bagi SWEC Servis).

6.7 Mengemaskini Profail Syarikat

- 6.7.1 Syarikat dikehendaki mengemaskini profil Syarikat dan mengemukakan dokumen yang berkaitan melalui permohonan 'Update Company's Profils (UCP)' **apabila berlaku perubahan kepada:**

- a) Nama Syarikat
- b) Pemilikan Ekuiti
- c) Lembaga Pengarah
- d) Pengurusan
- e) Bilangan Kakitangan Syarikat
- f) Pematuhan MTR yang ditetapkan untuk SWEC
- g) Dana Pemegang Saham (sekiranya Dana Pemegang Saham Syarikat menjadi negatif semasa dalam tempoh Lesen / Pendaftaran)

Pengemasan maklumat ini hendaklah dibuat dalam tempoh empat belas (14) hari dari tarikh perubahan tersebut. Kegagalan untuk berbuat demikian boleh memberi akibat kepada Lesen / Pendaftaran Syarikat.

- 6.7.2 Syarikat juga dikehendaki untuk **mengemaskinkan butiran Bank melalui permohonan UCP**, apabila diperlukan. Akaun Bank Syarikat perlu disahkan oleh bank yang berkenaan.

- 6.7.3 Syarikat perlu **memenuhi syarat-syarat Khas Lesen / Pendaftaran** (jika ada) dengan mengemukakan dokumen yang dikehendaki melalui permohonan UCP. Syarat-syarat khas dinyatakan di dalam SUS dan tertera di dalam sijil maya Syarikat seperti contoh berikut:

	
NAMA SYARIKAT	:
NO LESEN	:
TEMPOH SAH LESEN	:
SYARAT KHAS LESEN	
COMPANY OTHERS	Syarikat dikehendaki mengemukakan salinan Senarai Penamatangan Cek-cek Syarikat terkini yang disahkan oleh pihak bank sebelum 15 Januari 2016. Kegagalan berbuat demikian akan mengakibatkan syarikat tidak lagi disenaraikan dalam 'List of Licensed / Registered Companies (LLRC)' PETRONAS.

Syarikat perlu mematuhi syarat-syarat Khas Lesen / Pendaftaran PETRONAS untuk memastikan nama syarikat sentiasa tersenarai di dalam 'List of Licensed / Registered Companies (LLRC)' PETRONAS sepanjang tempoh sah Lesen / Pendaftaran.

6.8 Mengemaskini Maklumat Syarikat

- 6.8.1 Syarikat dikehendaki mengemaskini maklumat Syarikat **jika terdapat perubahan kepada:**
- a) Pertukaran Alamat Berdaftar / Perniagaan / Cawangan (termasuk butiran Bank Cawangan)
 - b) Nombor telefon / fax
 - c) Laman web syarikat
 - d) Alamat e-mel
- 6.8.2 Permohonan ini tidak memerlukan kelulusan daripada pihak PETRONAS.

6.9 Pengguguran Bidang (SWEC)


- 6.9.1 Permohonan ini adalah bagi Syarikat yang tidak ingin lagi membekalkan barangan / perkhidmatan bagi SWEC yang telah diluluskan.
- 6.9.2 Syarikat dikehendaki mengemukakan surat rasmi (dilampirkan melalui email kepada license.management@petronas.com) dengan menyatakan **sebab untuk menggugurkan SWEC** dan pengesahan bahawa **tiada kontrak yang masih dijalankan bagi SWEC tersebut**. Surat tersebut hendaklah ditandatangani oleh pemegang saham terbesar dan Ketua Pengurusan.

6.10 Pembatalan Lesen / Pendaftaran

- 6.10.1 Permohonan ini adalah bagi Syarikat yang tidak ingin lagi membekal barangan / perkhidmatan kepada Kumpulan Syarikat-syarikat PETRONAS (untuk Pendaftaran) atau / dan syarikat-syarikat 'Petroleum Arrangement Contract' ('PAC') (untuk Lesen).
- 6.10.2 Syarikat dikehendaki mengemukakan surat rasmi (dilampirkan melalui email kepada license.management@petronas.com) dengan menyatakan **sebab untuk membatalkan Lesen / Pendaftaran** dan pengesahan bahawa **tiada kontrak yang masih dijalankan**. Surat tersebut hendaklah ditandatangani oleh pemegang saham terbesar dan Ketua Pengurusan.

7 PEMROSESAN PERMOHONAN LESEN DAN PENDAFTARAN

- 7.1 Penilaian dan kelulusan permohonan diproses melalui 2 peringkat:-



- 7.1.1 Bagi Peringkat-1 (Syarikat), Syarikat akan dimaklumkan melalui e-mel mengenai status kelulusan atau penolakan di peringkat Syarikat (iaitu sama ada permohonan tersebut memenuhi syarat-syarat Am).
- 7.1.2 Bagi Peringkat-2 (SWEC), Syarikat akan dimaklumkan melalui e-mel mengenai status kelulusan atau penolakan bagi setiap SWEC yang dipohon.

Syarikat juga akan menerima e-mel yang memaklumkan mengenai pembayaran yuran lesen setelah Lesen SWEC yang pertama diluluskan.

Nota: Tiada yuran pendaftaran dikenakan bagi syarikat yang hanya memohon SWEC di dalam kategori Pendaftaran.

7.2 Tempoh purata bagi proses permohonan

Kategori Permohonan	Tempoh Purata
Baru / Pembaharuan / Menaiktaraf Pendaftaran Kepada Lesen	2-4 minggu dari tarikh permohonan (bergantung pada jumlah / kerumitan SWEC yang dipohon)
Tambah Bidang / Penukaran Prinsipal / Penukaran Modus Operasi	1 minggu dari tarikh permohonan (bergantung pada jumlah / kerumitan SWEC yang dipohon)
Pembatalan Bidang / Lesen / Pendaftaran	1 minggu dari tarikh permohonan
Mengemaskini Maklumat Syarikat melalui Update Company's Profile (UCP)	3 hari bekerja

Sekiranya Syarikat tidak menerima e-mel mengenai status permohonan selepas jangka masa pemprosesan seperti di atas, Syarikat boleh menyemak status permohonan melalui sistem ROS / SUS.

8 KEPUTUSAN PERMOHONAN

8.1 Tempoh sah Lesen / Pendaftaran PETRONAS adalah selama **tiga (3) tahun**.

8.1.1 Tempoh sah Lesen / Pendaftaran PETRONAS bagi syarikat yang baru ditubuhkan kurang dari 18 bulan dari tarikh permohonan adalah **dua (2) tahun**.

8.2 Entiti yang berlesen dikehendaki menjelaskan yuran lesen berdasarkan Modal Berbayar (*Paid-up Capital*) atau Jumlah Keseluruhan Nilai Sumbangan (*Total Value of Contribution*) seperti di bawah:

Modal Berbayar / Jumlah Keseluruhan Nilai Sumbangan	Yuran Lesen Tahunan
RM100,000 - RM1,000,000	RM250
Melebihi RM1,000,000 - RM5,000,000	RM500
Melebihi RM5,000,000	RM1,000

8.3 Yuran lesen hanya perlu dibayar bagi permohonan 'Lesen Baru', 'Pembaharuan Lesen' dan 'Menaiktaraf Pendaftaran kepada Lesen' sahaja.

8.4 Yuran lesen perlu dijelaskan **dalam tempoh 14 hari** dari tarikh e-mel dihantar kepada Syarikat.

8.5 Pembayaran yuran lesen boleh dilakukan secara dalam talian (*online*).

8.6 Pembayaran yuran lesen melalui wang tunai, kiriman wang atau cek peribadi **tidak diterima**.

8.7 **Sijil Pendaftaran** dikeluarkan secara maya (*virtual*) melalui sistem SUS setelah **permohonan diluluskan**, sementara **Sijil Lesen** dikeluarkan secara maya setelah **permohonan diluluskan dan bayaran yuran lesen dibuat**.

9 PELUANG PENYERTAAN DALAM TENDER

- 9.1 Syarikat yang mempunyai Lesen / Pendaftaran yang sah di dalam SWEC yang berkaitan sahaja berpeluang untuk terlibat di dalam tender Kumpulan Syarikat-syarikat PETRONAS dan syarikat-syarikat 'Petroleum Arrangement Contract' (PAC) kerana disenaraikan di dalam '*List of Licensed / Registered Companies (LLRC)*' PETRONAS.
- 9.2 Walaupun telah berlesen / berdaftar dengan PETRONAS, ia bukanlah jaminan untuk Syarikat dijemput bagi penyertaan tender. Syarikat digalakkan untuk membuat promosi atau memperkenalkan produk / servis kepada Kumpulan Syarikat-syarikat PETRONAS dan syarikat-syarikat PAC.
- 9.3 Sekiranya Syarikat yang berlesen / berdaftar dijemput menyertai tender, Syarikat dikehendaki untuk memberi maklum balas kepada jemputan tersebut. Kegagalan Syarikat untuk memberi maklum balas atau menolak jemputan tender tanpa sebab yang munasabah bagi sesebuah SWEC berulang-kali boleh mengakibatkan Syarikat tidak lagi dijemput untuk menyertai tender pada masa akan datang atau Lesen / Pendaftaran Syarikat akan terjejas.
- 9.4 Sekiranya Syarikat tidak memenuhi **syarat-syarat Khas yang telah dinyatakan**, Syarikat **tidak akan tersenarai dalam LLRC PETRONAS** walaupun Lesen / Pendaftaran yang dimiliki Syarikat masih sah.

10 PERINGATAN

- 10.1 Pemohon dinasihatkan supaya memahami Panduan Am ini sepenuhnya sebelum menghantar permohonan melalui sistem ROS / SUS. Permohonan akan ditolak sekiranya maklumat yang dikemukakan:
 - tidak lengkap; atau
 - tidak disertakan dengan dokumen-dokumen yang diperlukan; atau
 - gagal memenuhi syarat-syarat Am dan/atau syarat-syarat SWEC
- 10.2 Bagi SWEC yang tidak diluluskan semasa permohonan 'Lesen / Pendaftaran Baru' atau 'Pembaharuan Lesen / Pendaftaran', pemohon boleh memohon kembali SWEC tersebut melalui permohonan 'Tambah Bidang' bagi memenuhi syarat-syarat yang telah ditetapkan.
- 10.3 Permohonan oleh syarikat yang dimiliki oleh pemegang saham atau pengarah syarikat yang sama di dalam syarikat lain yang telah berlesen / berdaftar **dalam bidang yang sama tidak akan diberi pertimbangan**. Ini bertujuan untuk mengelak berlakunya sebarang percanggahan kepentingan.
- 10.4 Semasa proses permohonan, pegawai Seksyen Pelesenan dan Pendaftaran mungkin akan menghubungi pemohon sekiranya terdapat sebarang kemusykilan. Pemohon diminta memberi kerjasama sebaik mungkin.
- 10.5 Pemohon yang berjaya dikehendaki meneliti semua syarat-syarat Am Lesen / Pendaftaran dan syarat-syarat Khas (jika ada) yang dinyatakan didalam sijil Lesen / Pendaftaran. Sila rujuk kepada Syarat-Syarat Am Lesen / Pendaftaran PETRONAS seperti di dalam Lampiran Panduan Am ini, termasuk tetapi tidak terhad kepada **mengemaskini**:-
 - Sahlaku sijil yang diperlukan pada setiap masa mengikut kehendak SWEC (iaitu surat pelantikan agensi, badan-badan berdaftar seperti Lembaga Pembangunan Industri Pembinaan Malaysia (CIDB), Lembaga Jurutera Malaysia (BEM), Institut Bahan, Malaysia (IMM) dan lain-lain.)
 - laporan kewangan beraudit Syarikat
- 10.6 Syarikat hendaklah memberi kerjasama kepada wakil PETRONAS semasa lawatan audit ke premis Syarikat dan membenarkan mereka menyemak / menyalin dokumen-dokumen yang diperlukan termasuk menemubual kakitangan Syarikat.

- PANDUAN AM TAMAT -

Nota: Sila rujuk kepada '**Lampiran Panduan Am – Permohonan Lesen / Pendaftaran PETRONAS**' bagi butiran lanjut cara permohonan.